



Eitem Agenda 5

26 Mawrth 2010

WNC 11.10

EIN PWRPAS A CHYFEIRIAD: CYNLLUN CORFFORAETHOL COMISIWN COEDWIGAETH CYMRU 2010-13

Pwrpas

1. Cyflwyno fersiwn diweddaraf Cynllun Corfforaethol Comisiwn Coedwigaeth Cymru 2010-13 i'r Pwyllgor Cenedlaethol i'w gymeradwyo.

Cefndir

2. Cyhoeddwyd ein Cynllun Corfforaethol, *Ein pwrpas a chyfeiriad*, ym mis Ebrill 2009, yn dilyn lansio'r strategaeth goetir ddiwygiedig, *Coetiroedd i Gymru*. Yn y cyfnod yn arwain at gynhyrchu'r Cynllun hwn, cytunasom droi at fodel o gynllun corfforaethol i'w gyflwyno'n raddol dros dair blynedd. Roedd yn seiliedig ar ein deg rhaglen gorfforaethol, yn nodi ein gweithgareddau'n fanwl ar gyfer y flwyddyn gyfredol, ac ar ffurf amlinell a phennawd ar gyfer y blyneddoddi canlynol. Felly, bydd *Ein pwrpas a chyfeiriad*, yn cael ei ddiweddarau'n flynyddol, er mwyn cynnwys unrhyw ddatblygiadau i'n rhaglenni corfforaethol, yn ogystal â materion cyfundrefnol ehangach. Hwn yw'r cyntaf o'r diweddariadau hyn. Yn ogystal, bydd crynodeb diwygiedig yn cael ei gyhoeddi'n flynyddol, yn rhannol er mwyn dangos i staff a rhanddeiliaid fod cynllunio corfforaethol yn broses ddeinamig a pharhaus.

Cyd-destun:

3. Mae'r cynllun corfforaethol diwygiedig yn dilyn yr un drefn gyffredinol â chynllun 2009-12 a dangosir unrhyw newidiadau i'r testun mewn [glas](#).
4. O dan bob adran rhaglen gorfforaethol yn y cynllun, ychwanegwyd dau bennawd newydd:
 - *Ein gwaith parhaus* - yn nodi'r hyn sy'n cael ei wneud gennym o'r naill flwyddyn i'r llall ;
 - *Yr hyn a wnaethom yn 2009/10* - yn dangos peth o'r gwaith a gafodd ei ddwyn ymlaen gennym yn y flwyddyn flaenorol yn ogystal â manylu, amlinellu a chynnig penawdau ar gyfer gweithgareddau yn 2010/11 - 2012/13. Mae hyn yn helpu i greu cysylltiad cliriach rhwng perfformiad a darpariaeth yn y dyfodol.
5. Roedd y Bwrdd Rheoli wedi cymeradwyo un rhaglen gorfforaethol, Rhaglen 8 - Hyrwyddo pren a datblygu'r sector coedwig, yn ddigon cynnar i hyn gael ei gynnwys yn y cynllun corfforaethol hwn. Mae cynlluniau corfforaethol eraill naill ai'n cael eu datblygu neu'n disgwyl cymeradwyaeth derfynol gan y Bwrdd Rheoli, ac felly ni chawsant eu gynnwys yn llawn. Fodd bynnag, mae pob adran rhaglen gorfforaethol yn y rhaglen gorfforaethol wedi'i diweddarau i raddau, yn seiliedig ar weithgareddau

Y Pwyllgor Cenedlaethol

cyfredol a'r gweithrediadau hynny yn y cynllun gweithredu ar gyfer *Coetiroedd i Gymru*, lle rydym wedi cytuno i gymryd rhan arweiniol.

- Cytunwyd ar fesurau Perfformiad a Busnes ym mis Mawrth 2009 am gyfnod o dair blynedd (mae nodyn esboniadol ynglŷn â dulliau yn Atodiad 1). Dangosir nifer o linellau sylfaen, yn ogystal â mân newidiadau a wnaed i'r testun er mwyn ei wneud yn haws ei ddeall. Eto, dangosir y newidiadau hyn mewn [glas](#).
- Dangosir incwm a gwariant lefel-uchel y cynllun busnes sy'n berthynol i'r rhaglenni corfforaethol, er mwyn adlewyrchu'r gwaith a wnaed gennym yn 2009/10 i adolygu ein cyfrifon i ddod â chynllunio busnes a chynllunio corfforaethol yn nes at ei gilydd.

Y Camau Nesaf

- Yn dilyn sylwadau a chymeradwyaeth gan y Pwyllgor Cenedlaethol, cyhoeddir y Cynllun llawn yn electronig a chynhyrchir y crynodeb atodol yn electronig ac ar bapur i'w dosbarthu i'r holl staff ym mis Ebrill, mewn da bryd ar gyfer yr holl gyfarfodydd staff sydd i fod i gael eu cynnal ym mis Mai.

Goblygiadau Ariannol

- Nid yw cyhoeddi'r diweddariad hwn yn golygu unrhyw oblygiadau ariannol uniongyrchol pellach, ac eithrio costau cyhoeddi ac argraffu'r crynodeb.

Risgiau

- Mae'r risgiau fel a ganlyn :-

Elfen Risg	Math o Risg: Economaidd Enw Da Amg. a Chymdeithasol	Effaith / Tebygolrwydd Sgôr (rhwng 1 a 5)	Sgôr Risg (ExT)	Rheolaethau
Polisi Llywodraeth Cynulliad Cymru yn cynnwys (ond nid yn gyfan gwbl) <i>Coetiroedd i Gymru</i>	Pob un	4x1	4	Cynhyrchu Cynllun Corfforaethol a'i ddiweddaru'n flynyddol; rhaglen ar gyfer cynhyrchu rhaglenni corfforaethol a safbwyntiau polisi
Methiant i drosglwyddo pwrpas a chyfeiriad y sefydliad i'r staff a rhanddeiliaid allanol	Pob un	3x1	3	Cyfathrebiad clir o'r Cynllun Corfforaethol, gan gynnwys pob cyfarfod staff
Methiant i ymateb i argymhellion Swyddfa Archwilio Cymru	Pob un	4x1	4	Y broses o alinio strategaeth a chynllunio corfforaethol a busnes, ymateb i argymhellion
Ystodau Sgorio Risgiau Cyffredinol: 0 – 5 Dibwys / 6 – 10 Isel / 11 – 20 Cymedrol / 21 – 25 Uchel				

Y Pwyllgor Cenedlaethol

Cyfathrebu

11. Trosglwyddir y diweddariad yn unol â'n cynllun cyfathrebu, gyda fersiwn llawn ar y we a chrynodeb ar gael ar y we ac ar bapur. Anfonir copi o'r crynodeb at bob aelod o'r staff, yn ogystal ag at randdeiliaid allweddol.

Argymhelliad

12. Bod y Pwyllgor Cenedlaethol yn nodi'r datblygiadau i'r broses cynllunio corfforaethol ac yn cymeradwyo'r Cynllun i'w fabwysiadu o 1 Ebrill 2010.

Sue Ginley a Clive Thomas
Y Tîm Datblygu Polisi a Rhaglenni
Mawrth 2010

RHEOLI PERFFORMIAD STRATEGOL

Cefndir

Mewn cyfarfodydd cynharach o'r Pwyllgor Cenedlaethol, cafwyd ymholiadau ynglŷn â natur targedau corfforaethol tair-blynedd Comisiwn Coedwigaeth Cymru sy'n seiliedig ar ein mesurau Perfformiad cytunedig.

Mae rheoli perfformiad sefydliadau sy'n cyflenwi gwasanaethau cyhoeddus fel disgyblaeth wedi bod yn destun llawer o drafodaeth academiaidd a chyfarwyddyd gwleidyddol yn ystod y blynnyddoedd diwethaf. Mae'r drafodaeth a'r cyfarwyddyd hyn yn gymhleth, ond y duedd fu i ganolbwyntio o amgylch dau brif fater:

- Yn gyntaf, swyddogaeth mesurau a thargedau perfformiad; y brif drafodaeth fu'r tyndra rhwng swyddogaeth mesurau perfformiad fel arf i ganolbwyntio ar feysydd strategol perfformiad a chanolbwyntio ar gyflawni targedau fel diben ar ei ben ei hun, gyda'r holl risgiau cysylltiol o 'hapchwarae' a chanlyniadau gwrthnysig;
- Yn ail, y tyndra rhwng mesurau perfformiad a thargedau sy'n canolbwyntio'n bennaf ar agweddau ar gylch gwaith y sefydliad. Yma, mae modd rheoli cyflawniad yn llwyr yn erbyn y dyhead i gyflawni canlyniadau cymdeithasol sydd yn anaml dan reolaeth uniongyrchol unrhyw sefydliad yn benodol.

Ymagwedd Comisiwn Coedwigaeth Cymru – targedau 2009/12

Fel rhan o'r ymdrech i gael gwell ymgyfuniad strategol rhwng gweithgareddau Comisiwn Coedwigaeth Cymru a pholisi coedwigaeth Llywodraeth Cynulliad Cymru, yn unol â *Choetiroedd i Gymru*, cytunodd y Pwyllgor Cenedlaethol ym mis Mawrth 2009 ar ddulliau strategol i reoli perfformiad. Mae hyn yn arddangos ymgyfuniad da ac mae eisoes wedi golygu mwy o ganolbwyntio ar rai meysydd anodd eu cyflawni y tynnwyd sylw atynt gan y mesurau perfformiad, e.e. creu coetiroedd, cael gwell amrywiaeth o rywogaethau ac adfer coetiroedd brodorol.

Trafodaeth

Yn amodol ar yr ymagwedd hon, mae'r gofyniad i ystyried canolbwyntio cynyddol ac adeiladol ar fynd i'r afael â mesurau perfformiad strategol, na ellir cyflawni rhai ohonynt ond wrth weithio gydag eraill a dylanwadu arnynt, yn wir ganlyniad yn hytrach na chyflawni'r targedau ynddynt eu hunain.

Y Pwyllgor Cenedlaethol

Yr ymagwedd gwbl gyferbyniol fyddai mabwysiadu targedau allbwn yn bennaf, a'r rheini'n cael eu rheoli'n llwyr gan y sefydliad. Yn achos Comisiwn Coedwigaeth Cymru, byddai hyn yn arwain at orbwysleisio targedau y gellid eu cyflawni'n bennaf trwy reoli'r ystâd goedwig gyhoeddus, lle mae rheolaeth a dylanwad yn gryf. Byddai dylanwadu ar reoli coetiroedd eraill neu ar ganlyniadau economaidd-gymdeithasol neu amgylcheddol ehangach yn golygu gormod o risg, pe bai'r brif ystyriaeth ar reoli a chyflawni targedau.

Casgliadau

Mae'r Bwrdd Rheoli'n ffyddiog fod y dulliau a fabwysiadwyd gennym yn briodol ar gyfer sefydliad sydd â gwir ddiddordeb mewn arddangos ei berthnasedd o ran helpu i gael canlyniadau ehangach i'r llywodraeth. Fodd bynnag, rhaid i ni fod yn barod i fod yn ddoeth o ran rheoli a rhaid i ni dderbyn taw canolbwyntio ac ymglyfuno'n strategol yw'r gwir nod yn hytrach na chyflawni pob targed yn llwyr.